



Maaih haaix nyungc nzie weih ziux goux jau-louc bun fu'jueiv caux sieq-dorn hou-saeng dungh maaih mbuoz yiem Medi-Cal wuov haih duqv zipv?

Yiem njiec California saengv zangc caux guoqv zangc doh leiz gunv njiec bun yietc zungv fu'jueiv aengx caux sieq-dorn hou-saeng maaih hnyang-jeiv mingh taux 21 hnyangx bieqc mbuoz yiem Medi-Cal maaih ze'buonc leiz beu bun ziangh diuh zipv tengx **dimv baengc** aengx caux **nqaeqv longx baengc** aengx caux **zorc baengc** bun wangc siangx longx a'fai maaih ngaengc caengz.

Naaiv hoc ze'buonc leiz beu bun yiem guoqv zangc hungh doh leiz duqv gouv njiec heuc jaa-nziouv dimv baengc aengx caux yiem bouc dauh zaah mangc baengc, sorqv nziaamv dimv, aengx caux zorc baengc (EPSDT). Naaiv diuc jau-louc liouh goux mbungh bun da'dauh fu'jueiv maaih mbuoz yiem Medi-Cal wuov duqv zipv ziux goux heng-wangc bun hlo hlang longx henv. Yiem California, EPSDT se maaih mbuoz benx **Medi-Cal liouh gu'nguaaz & sieq-dorn hou-saeng-caan**.

Naaiv deix nzie weih ziux goux nyei gong se benx **baeqc wang-henh tengx**, beiv taux ninh mbuo fu'jueiv a'fai sieq-dorn hou-saeng-caan haaix zanc maaih horpc bouc pui-juangz gauz yiem Medi-Cal juangc cuotv nyaanh nyei buonc.

Medi-Cal liouh gu'nguaaz & sieq-dorn hou-saeng-caan beu nzoih qiempx zuqc nyei jau-louc, mv zuqc gouv benx zoqc zanv souz mouc:

- Tengx nzie weih ziux goux zorc beih sin baengc, lemh jienv jiex gorn jaa-ndaangc ziux goux mangc nyei jau-louc aengx caux mingh lorx buangh ndie-sai zorc baengc
- Ziux goux mangc m'zing, lemh jienv muoc-ziuz
- Tengx nzie weih ziux goux mangc m'normh
- Zaah mangc nyaah aengx caux zimh mangc baengc nyei gong gorngv benx hnangv haaix mi'aqc
- Tengx nzie weih ziux zoux zorc corngz zingh baengc aengx caux buov ndie yong-in a'fai butv diuv-nzeuz baengc, lemh jienv zorc baengc
- Zorc beih sin baengc, zorc ga'nyuoz hnyouv, aengx caux corc nzuih gorngv waac



**Se gorngv meih qiempx zuqc longc naaiv zeiv fiex a'fai haaix diuc Medi-Cal
nyungc horngz jaa-sic benx ganh hoc zei-daan beiv zoux benx domh nzangc,
bungx benx waa-qiez bun muangx, CD, a'fai zoux benx nzang-pokc, korh waac
lorx 1-833-284-0040.**



Tov daaix luic goux longx!

Douc jienv sic waa-fienx mbuox liouh tengx fu'jueiv aengx caux sieq-dorn hou-saeng maaih hnyang-jeiv taux 21 hnyangx oix zuqc duqv zipv nzoih qiempx longc ziux goux wangc siangx jau-louc

- Zorc baengc jaa-sic aengx caux ga'naaiv longc, beiv taux eiv-ping liouh zueix fongv, lemh jienv wuonv ginc jaa-sic
- Ndie-nyanc, lemh nzoih yi nyungc ndie dungh maaiz yiem ndie-pouz aengx caux ndie-sai paaiv bun nyei buonc
- Ziux zaah dimv baengc zorngħ, lemh jienv dimv nziaamv mangc maaih yunh siouz zorpc ndongc haaix, aengx caux dimv hienz doic nyiez duqv nyei baengc (STI), aengx caux haaix nyungc baengc qiempx zimh samx mangc longx ndongc haaix
- Ziux goux zorc baengc yiem biauv, lemh jienv yiem mienh goz biauv
- Zorc baengc dorngħ aengx caux yiem dorngx dauh
- Nzie weih ziux goux mienh jaanz aengx caux hienz doic jau-louc, beiv taux goux nqaeqv bun maaih gu'nguaaz saa maqc aengx caux tengx ziux goux zorqv gu'nguaaz guangc
- Zaah mangc maaih gu'nguaaz yiem sin
- Dimv COVID-19 aengx caux tengx zorc
- Borqv caux gorn zangc tengx ziux goux zorc baengc, beiv taux maaih mbuoz yiem gunv goux mangc wangc siangx sou-gorn
- Yietc zungv da'nyeic diuc qiempx zorc baengc jau-louc dungh beu weih yiem Medi-Cal (dungh haix mbuoz heuc “zien qiempx longc njiouz zorc baengc jau-louc”) ei goux baengc ndie-sai gouv cuotv wuov

Fu'jueiv aengx caux sieq-dorn hou-saeng se maaih ze'buonc leiz beu duqv benx baeqc wang-henh ziux goux mangc wangc siangx, beiv taux:

- Duqv zipv wang-henh cie geh mingh nzuonx lorx ndie-sai a'fai mingh zorqv ndie, duqv zorc baengc jaa-sic aengx caux ga'naaiv longc
- Tengx dingc waac lorx buanġħ ndie-sai zorc baengc
- Tengx lorx ndie-sai bun a'fai goux baengc ndie-sai
- Tengx nzie weih faan waac bun muangx (meih mv zuqc dorth faan waac mienh caux meih mingh buanġħ ndie-sai yiem zorc baengc ziangħ hoc)

Naaiv diuc maaih “baengc kouv zien qiempx zorc baengc” se benx haaix nyungc jauv-louc?

Liouh fu'jueiv aengx caux sieq-dorn hou-saeng, **qiempx zuqc zorc baengc nyei jau-louc** se benx qiempx longc nzie weih ziux goux zorc baengc, goiż yienc zuqc, gunv goux mangc, a'fai zorc baengc a'fai wangc siangx jau-louc.

Se gorngv buatc maaih haaix nyungc jienv sic nor fu'jueiv nyei ndie-sai a'fai ziux goux baengc ndie-sai horpc zuqc tengx dingc lorx doih waac bun zorc baengc.

Maaih nyungc baav ziux goux baengc nyei jau-louc oix zuqc benx jaa-nziouv nqoi nzuih bun ndaangc. Se gorngv naaiv deix ziux goux zorc baengc jau-louc zien qiemx zuqc bun fu'jueiv a'fai sieq-dorn hou-saeng hnyang-jeiv mingh taux 21 hnyangx wuov se mv haih gouv benx jaa-jamv souz mouc liouh nzie weih ziux goux a'fai zorc baengc. Liouh mangc guv yienh, mv haih gouv benx jaa-jamv souz mouc bun naaiv laanh fu'jueiv yiem norm-norm yi hnyangx japv yietc norm muo-ziuz. Se gorngv naaiv laanh fu'jueiv maaih lo-muo-ziuz mv njiang mangc maiv buatc, ninh mbuo maaih ze'buonc leiz beu mingh zorqv ndie nyanc aengx ndorqc japv muo-ziuz siang-.

NZANGC-LONGZ 1

Meih nyei fu'jueiv nyei Medi-Cal



Fu'jueiv aengx caux sieq-dorn hou-saeng maaih mbuoziem Medi-Cal duqv zipv fu'loqc nyaanh gan yietc nyungc yangh naaiv deix yi nyungc jauv:

1. **Gunv goux mangc wangc siangx** gan naaiv beu weih wangc siangx sou-gorn, corng heng-wangc sou-gorn, a'fai ziux goux zorc nyaah sou-gorn, **a'fai**
2. **Cuotv nyaanh liouh tengx nzie weih ziux goux** yangh naaiv California domh gorn tengx nzie weih ziux goux mangc heng-wangc jau-louc (DHCS), benx saengv zangc Medi-Cal gong-gorn

Naaiv zeiv sou se porv cing waac bun muangx gorngv oix zuqc zoux haaix nyungc gong beiiv taux fu'jueiv a'fai sieq-dorn hou-saeng maaih mbuoziem duqv zipv tengx nzie weih ei qiemx zuqc nyei jau-louc yiem njiec gunv goux mangc wangc siangx a'fai **cuotv nyaanh liouh tengx nzie weih ziux goux** wuov. Ninh duqv porv mbuoziem hnangv haaix zoux:

- Juix sou bieqc lorx weic faan sic
- Tov saengv zangc tengx dingc baengh fim leiz bun muangx
- Juix sou bieqc gox sic

Liouh jiouh mienh tengx ziux goux a'fai maaih waac qiemx naaic gorngv taux meih nyei fu'loqc nyaanh, korh waac lorx Medi-Cal tengx goux baengc mienh fin-gorn yiem naaiv **1-800-541-5555**.

Meih horpc zuqc oix hnangv haaix zoux beiv taux tengx meih ziux goux mangc fu'jueiv nyei gong duqv ngaengc nzuih, zorv ngaih, zanz zoqc tuiz njiec, a'fai dingh njiec mi'aqc?

Se gorngv tengx nzie weih zoux goux mangc meih nyei fu'jueiv nyei gong duqv ngaengc nzuih, zorv ngaih, zanz zoqc tuiz njiec, a'fai dingh njiec aengx caux meih mv doiz-dongh caux ninh mbuo dingc bun-paaiv waac yiem tih mengh fienx mbuox wuov, meih tov heuc ganh corngh siang aengx caux dingc siang.

Naaiv benx bouc bun meih nyei fu'jueiv duqv zipv tengx ziux goux mangc ei qiex zuqc nyei jaav aengx caux maaih ze'buonc leiz beu bun. Meih nyei fu'jueiv maaih ze'buonc leiz beu bun juix sou bieqc **lorx weic faan sic**, tov **saengv zangc tengx dingc baengh fim leiz bun muangx**, a'fai juix sou bieqc **gox sic**. Mv maaih zorqv zuiz bun dungh njiec buoz zoux naaiv deix gong wuov.

Mv gunv gorngv meih lorx weic faan sic, saengv zangc dingc baengh fim leiz, a'fai gox sic hingh fai suei, fu'jueiv nyei Medi-Cal beu weih sou-gorn yaac **mv** haih dorng setv mueix dungh benx wueic laaix meih zoux hnangv naaiv.

Hnangv haaix juix sou bieqc lorx weic faan sic, tov saengv zangc tengx dingc baengh fim leiz bun muangx, a'fai juix sou bieqc gox sic.

Doqc mangc yiem tih mengh fienx sou. Se

gorngv naaiv norm gunv goux wangc siangx sou-gorn, DHCS (benx saengv zangc Medi-Cal gong-gorn), a'fai goux baengc ndie-sai duqv ngaengc nzuih, zanz tuiz zoqc njiec, a'fai dingh njiec mv ziux goux zorc baengc bun fu'jueiv, ninh mbuo horpc zuqc fiev tih mengh fienx mbuox heuc zoux nyei gong (maaih mbuoz benx "Tih mengh fienx mbuox gouv funx benx fu'loqc mv doiz hnyouv") yiem ninh mbuo dingc waac cuotv wuov.

Lorx weic faan sic horpc zuqc longc fu'jueiv nyei gunv goux mangc wangc siangx sou-gorn wuov bung liouh zaah mangc gorngv haaix nyungc ziux goux zorc baengc dungh ninh mbuo ngaengc nzuih, zorv ngaih, zanz tuiz zoqc njiec a'fai dingh njiec yiem zuov muangx dingc waac wuov, lorx mangc gaax ninh mbuo dapc engx meih nyei fai.

Saengv zangc dingc baengh fim leiz bun muangx se bun ziangh hoc gorngv waac bun muangx yiem sic-dorngh ndaangc taux ninh mbuo dingc leiz zaamc jien zaah mangc dingc bun-paaiv waac yiem fu'jueiv nyei gunv goux mangc wangc siangx sou-gorn a'fai DHCS (benx saengv zangc Medi-Cal gong-gorn) zoux daaih dungh meih mv nyunc wuov.

Gox sic se liouh maaih haaix nyungc dungh meih mv horpc hnyouv fai mv nyunc duqv haaix dauh a'fai mv doi-dongh taux lorx weic faan sic nyei waac a'fai saengv zangc dingc baengh fim leiz bun muangx mv nzoih wuov. Ninh corc benx nyinh nyiouz waac a'fai guaaz hnyouv yiem caux fu'jueiv nyei gunv goux mangc wangc siangx sou-gorn a'fai DHCS dungh mv duqv ngaengc nzuih, zorqv ngaih, zanz zoqc tuiz njiec, a'fai dingh mv tengx nzie weih ziux goux wuov.

Meih corc haih zoux sou fungx bieqc gox sic gorngv taux ninh mbuo gunv goux heng-wangc nyei sou-gorn tengx zoux gong ziux beu fu'jueiv nyei sou-gorn, lemh jienv longc hnyiouv zorc baengc ndongc haaix a'fai bieqc lorz zorc baengc nyei jau-louc.

Meih oix zuqc zipv tih mengh fienx sou mv zaih jiex **10** hnoi ndaangc taux fu'jueiv mingh zorc baengc hnoi a'fai zipv ziux goux mangc nyei buonc gong zuqc zanv zoqc tuiz njiec a'fai dingh njiec. Tih mengh fienx sou duqv porv cing waac gorngv:

- Wueic haaix diuc ninh mbuo gunv goux mangc wangc siangx sou-gorn wuov bung a'fai DHCS hnangv haaix dingc naaiv baan waac
- Meih nyei fu'jueiv nyei ze'buonc leiz beu bun
- Hnangv haaix juix sou bieqc lorx weic faan sic a'fai tov saengv zangc dingc baengh fim leiz bun muangx

Se gorngv meih mv nyunc duqv ninh mbuo dingc bun-paaiv nyei waac, ninh benx jienv sic oix zuqc lorx weic faan sic **ndaangc** taux ziangh hoc ninh mbuo dingh njiec naaiv deix gong a'fai zanv zoqc tuiz njiec, ninh mbuo corc haih borqv nzipc linh daapc mingh yiem njiec lorx weic faan sic a'fai tov saengv zangc dingc baengh fim leiz bun muangx nyei bouc dauh.

Beiv taux meih maiv duqv zipv tih mengh fienx sou, korh waac lorx taux juangc ziux goux mangc baengc mienh wangc siangx (HCA) nam mber yiem da'5 yiemp sou. Meih corc haih juix sou bieqc lorx weic faan sic se gorngv meih mv duqv zipv naaiv zeiv tih mengh fienx sou taux buoz. Se gorngv oix hoqc hiuv taux hnangv haaix zoux sou fungx bieqc lorz weic faan sic, tov taux saengv zangc tengx corngh leiz bun muangx, fungx sou bieqc guaix taux nyei gong, doqc mangc yiem jieq mingh wuov yiemp sou.

Hnangv haaix jiouh mienh tengx

Medi-Cal tengx baengc nyei finx-gorn

Medi-Cal tengx nzie bun baengc mienh fin-gorn se benx wang-henh bouc bun. Ninh mbuo corc haih tengx borqc caux meih nyei buonh deic Medi-Cal ze'weic gorn, gunv goux mangc wangc siangx sou-gorn, a'fai da'nyeic norm Medi-Cal gorn zangc liouh tengx nzie dau waac bun meih muangx taux Medi-Cal.

- Fonh: 1-800-541-5555
- Online: www.dhcs.ca.gov/myMedi-Cal

Juangc ziux goux mangc baengc mienh wangc siangx (HCA)

HCA tengx nzie gorngv waac yangh fonh bun muangx a'fai doiz hmien wang-henh tengx nzie bun maaih mbuo bieqc Medi-Cal nyei mienh liouh caeqv sung yiem buangh dauh wangc siangx sic. Ninh mbuo corc haih tengx dorch meih borqv bieqc lorx waa-fienx gorn zangc liouh wang-henh tengx nzie gan doh leiz bun caeqv sung wangc siangx sic.

- Fonh: 1-888-804-3536
- Online: healthconsumer.org

Se gorngv meih hnamv daaiz naaiv baan dingc waac wuov dorngc mi'aqc



Se gorngv meih sienx gorngv fu'jueiv nyei Medi-Cal setv mueix waac wuov daaiz zoux dorngc go a'fai zaah benx gorngv fu'jueiv mv maaih horpc bouc gauz zipv Medi-Cal wuov zoux dorngc go:

- Zoux ei njiaaux waac bouc dauh yiem tih mengh fiex sou wuov lorx weic faan sic, **a'fai**
- Lorx yiem buonh deic nquenc zangc tengx nzie weih ziux goux zuangx mienh ze'weic gorn yiem naaiv dhcs.ca.gov/COL

Medi-Cal gunv goux mangc wangc siangx maaih haaix nyungc z'ebuonc leiz beu fu'jueiv?

Waa-fienx yiem njiech ga'ndiev da'6-11 pin wuov liouh longc yiem yietc zungv Medi-Cal gunv goux mangc wangc siangx. Yietc zungv fu'jueiv maaih mbuoz yiem Medi-Cal duqv zipv ziux goux mangc wangc siangx yiem ninh mbuo nyei **Medi-Cal gunv goux mangc wangc siangx sou-gorn**. Wangc siangx sou-gorn liouh tengx zorc ziux goux mangc beih sin baengc. Ninh corc aengx maaih gouv funx benx jaa-jamv bouc bun ziux goux zorc corngh zingh baengc fai heuc benx "lorx lengc jeiv ndie-sai neqv zorc corngh zingh baengc."

Gunv goux mangc wangc siangx gorn zangc gong corc maaih da'nyeic nyungc jau-louc:

- **Lorx lengc jeiv ndie-sai neqv zorc corngh zingh baengc** liouh longc ziangh hoc nangv neqv ziux goux zorc naaiv hoc corngh zingh baengc ciouv dungh zuqc caeqv benx gorqv-zeic yiem corngh zingh heng-wangc sou-gorn.
- **Medi-Cal liuc leiz mbenc fungx ndie jauv-louc** liouh zorc guangc yong-in aengx caux hopv diuv baengc.
- **Ziux goux mangc nyaah** liouh tengx ziux goux mangc nyaah yiem njiech Los Angeles aengx caux Sacramento nquenc. Doqc mangc **Nzangc-hlaangz 1** yiem da'11 pin.

Se gorngv meih nyei fu'jueiv nyaah maaih sic nyaav yiem zipv ziux goux a'fai zipv tengx ziux goux dungh meih hnamv daaiz duqv beu yiem zuqc haaix diuc gu'nguaaic deix jauv-louc, tov daaix luic doqc mangc yiem ga'ndiev. Se gorngv buatc fu'jueiv mv maaih mbuoz yiem beu weih sou-gorn, tov daaix luic doqc mangc gorngv tauz **cuotv nyaanh liouh ziux goux zorc baengc** yiem da'12 pin.

Meih oix zuqc zoux haaix nyungc beiv taux ninh mbuo duqv ngaengc nzuih, zorv ngaih, zanv zoqc tuiz njiec, a'fai dingh njiec ziux goux mangc fu'jueiv nyei gong?

Juix sou bieqc lorx weic faan sic bun taux fu'jueiv nyei gunv goux mangc wangc siangx sou-gorn

Meih oix zuqc njiec buoz jiex gorn juix sou bieqc **lorx weic faan sic** bun taux gunv goux mangc wangc siangx sou-gorn. Liouh lorx mangc meih nyei sou-gorn daan, bieqc lorx yiem www.dhcs.ca.gov/mmchpd. Lorx weic faan sic horpc zuqc longc fu'jueiv nyei beu weih sou-gorn wuov bung liouh zaah mangc dungh gorngv haaix nyungc ziux goux zorc baengc jau-louc duqv ngaengc nzuih, zorv ngaih, zanv tuiz zoqc njiec a'fai dingh njiec wuov liouh dimv lorx mangc cing gorngv ninh mbuo doi-dongh caux meih.

Meih oix zuqc juix sou bieqc lorx weic faan sic ndaangc taux tov saengv zangc dingc baengh fim leiz bun muangx.

- Haaix zanc fu'jueiv duqv zipv tih mengh fiex yiem caux gunv goux mangc wangc siangx bun daaih heuc njiec buoz zoux gong, meih se haih juix sou bieqc lorx weic faan sic duqv aqv. Meih corc haih juix sou bieqc lorx weic faan sic se gorngv meih **maiv** duqv zipv naaiv zeiv tih mengh fiex heuc njiec buoz.
- Meih maaih ziangh hoc benx **60** norm zoux gong hnoi dungh haaix zanc zipv tih mengh fiex mbuox njiec buoz zoux gong liouh lorx weic faan sic caux gunv goux mangc wangc siangx sou-gorn. Meih corc haih fiev benx sou-nzangc, gorngv waac yangh fonh a'fai yangh online liouh juix sou bieqc lorx weic faan sic. Meih zaah lorx mangc fonh nam mber yiem naaiv **Nzangc-hlaangz 1** yiem njiec da'11 pin.
- Se gorngv tih mengh fiex bun hiuv gorngv fu'jueiv ih zanc zipv longc nyei buonc ziux goux jau-louc wuov oix zuqc dingh njiec aqv a'fai duqv zanv tuiz zoqc njiec, meih corc haih tov heuc nzipc linh daapc tengx ziux goux zorc jienv baengc mingh yiem lorx weic faan sic nyei ziangh hoc. Naaiv se heuc benx **nzipc linh daapc tengx fu'loqc nyaanh**. Liouh hoqc hiuv tipv gorngv hnangv haaix tov, doqc mangc **Nzangc-longz 3** yiem naaiv yiemc sou.

NZANGC-LONGZ 3

**Hnangv haaix tov liouh
nzipc linh daapc tengx
fu'loqc nyaanh yiem njiec
gunv goux mangc wangc
siangx sou-gorn**



Se gorngv tih mengh fiex bun hiuv gorngv meih nyei fu'jueiv ih zanc zipv longc ziux goux nyei buonc jau-louc wuov oix zuqc dingh njiec a'fai duqv zanv tuiz zoqc njiec, meih corc haih tov ninh mbuo **nzipc linh daapc tengx fu'loqc nyaanh** (maaih da'nyeic norm mbuoz "tengx nzie weih bun fu'loqc nyaanh fu'jueiv yiem lorx weic faan sic a'fai saengv zangc dingc leiz bun muangx nyei ziangh hoc.

- Meih oix zuqc lorx weic faan sic a'fai tov saengv zangc dingc baengh fim leiz bun muangx **ndaangc** taux naaiv deix gong dingh njiec a'fai zanv tuiz zoqc njiec.
- Gunv goux mangc wangc siangx sou-gorn oix zuqc jaa-nziouv fiev benx tih mengh fiex bun meih mv zoqc jiex **10** norm zoux gong hnoi ndaangc ninh mbuo mbenc dingh njiec a'fai zanv tuiz fu'jueiv nyei jauv-louc zoqc njiec.

- Fu'jueiv nyei gunv goux wangc siangx sou-gorn oix zuqc duqv zipv fiex lorf weic faan yiem njiec **5** norm zoux gong hnoi yiem hnoi-nyieqc duqv zipv taux buoz funx lorf weic kuinx sic Sou-gorn oix zuqc mbuox meih nyei mbuoz, fonh nam mber, aengx caux naaic laanh mienh nyei deic zepv yiem sou-gorn wuov bung haaix laanh mienh haih mbuox waa-fienx bun meih tipv gorngv taux lorf weic faan sic jau-louc aengx caux bun hiuv gorngv zoux taux haaix mi'aqc. Wangc siangx sou-gorn oix zuqc fiev nzioh dingc bun-paaiv waac juix bun meih yiem njiec **30** norm zoux gong hnoi ei tov lorf weic faan sic funx daaih. Naaiv se heuc tih mengh fiex bun hiuv taux caeqv sung sic nyei waac.
- Se gorngv fu'jueiv nyei sic dauh jau-louc maaih dorngx jiepv sih tiuv siang aengx caux gorngv tor bouc dauh zuov 30 hnoi haih zoux bun baengc kouv nor, meih haih tov heuc **gaanv jiepv sih dingc bun-paaiv waac** (siepv). Liouh hnangv haaix zoux naaiv diuc gong, tov daaix luic doqc mangc **Nzangc-longz 4** yiem naaiv yienc sou.
- Se gorngv meih corc haih lorf taux fu'jueiv nyei gunv goux wangc siangx sou-gorn liouh naaic taux lorf taux lorf weic faan sic jauv-louc haaix zanc yaad uqv nyei. Liouh longc nam mber lorf doic, tov daaix luic doqc mangc yiem **Nzangc-njoh 1** Yiem njiec da'11 pin.
- Fu'jueiv nyei gunv goux mangc wangc siangx sou-gorn corc haih zorpc yietv nyeic jau-louc dungh benx zuangx dengv sic mienh lengc juangc zaah mangc zorc baengc jau-louc bun mangc. Tih mengh fiex mbuox njiec buoz zoux gong se porv mengh naaiv diuc jau-louc bun muangx nzoih. Beiv taux fu'jueiv nyei gunv goux mangc wangc siangx sou-gorn cai bun benx naaiv diuh jau-louc, ninh horpc zuqc bun meih tengx fu'jueiv lorf weic faan sic aqv. Liouh hoqc hiuv tipv taux zuangx dengv sic mienh lengc juangc zaah mangc zorc baengc jau-louc, korh waac lorf California domh gorn gunv goux ziux mangc heng-wangc yiem naaiv 1-888-466-2219 (TDD 1-877-688-9891). A'fai, bieqc lorf mangc yiem <https://bit.ly/IMRCR>.

Tov saengv zangc dingc baengh fim leiz bun muangx gorngv taux Medi-Cal

Beiv taux gunv goux mangc wangc siangx sou-gorn nyei lorf weic faan sic jauv-louc setv mueix liuz aengx caux meih yaac mv lorqc doih caux ninh mbuo wangc siangx sou-gorn dingc cuotv nyei waac, meih se haih tov **saengv zangc tengx dingc baengh fim leiz bun muangx** taux meih fu'jueiv jauv-louc. Se gorngv fu'jueiv nyei gunv goux mangc wangc siangx sou-gorn mv duqv tih mengh fiex bun hiuv gorngv fu'jueiv maaih haaix nyungc ze'buonc leiz beu lorf weic faan sic aengx caux mv juix horpc bouc dauh ziangh hoc nor meih corc haih tov saengv zangc dingc baengh fim leiz bun muangx.

NZANGC-LONGZ 4

**Jiepv sih gaanv siepv
(siepv deix) lorf weic
faan sic a'fai saengv
zangc dingc baengh
fim leiz bun muangx**



Se gorngv fu'jueiv qiencx zuqc longc **gaanv jiepv sih** lorf weic faan sic (siepv) a'fai tov saengv zangc dingc baengh fim leiz bun muangx siepv wueic laaix gorngv zorv ngaih nor haih benx ciouv sic hoic fu'jueiv maengc, hoic sin zangc, a'fai fu'jueiv bei sin haih wuaaic, tov daaix luic korh waac lorf **1-800-743-8525**.

Meih corc haih lorf doqc mangc yietv nyeic tipv yiem ziux goux baengc mienh sou-guv gorngv hnangv haaix tov heuc gaanv jiepv sih tengx nzie weih zoux naaic diuc jauv-louc siepv.

Saengv zangc dingc baengh fim leiz bun muangx se bun ziangh hoc gorngv waac bun muangx yiem sic-dorngc ndaangc taux ninh mbuo dingc leiz zaamc nyei leiz-sai zaah mangc dingc bun-paaiv waac dungh meih mv nyunc wuov. Ninh dingc leiz zaamc nyei leiz-sai se zoux gong bun California domh gorn tengx nzie weih ziux goux zuangx mienh yiem-laamz, ninh mv zeiz zoux gong bun fu'jueiv nyei wangc siangx sou-gorn.

- Meih oix horpc zuqc tov saengv zangc dingc baengh fim leiz bun muangx yiem njiec **120** norm zoux gong hnoi yiem hnoi-nyieqc dungh meih duqv zipv gunv goux mangc wangc siangx nyei dingc waac sou-fienx mbuox gorngv taux liuc leiz ziux goux fu'jueiv lorx weic faan sic. Ninh dingc leiz zaamc nyei leiz-sai se benx ba'ndong-mienh longc baengh leiz zaah mangc fu'jueiv nyei sic. Beiv taux meih tov muangx baengh fim leiz dungh ninh mbuo dingc ndaangc wuov haih donv zorv zuqc yiem ih zanc tengx fu'jueiv nyei gong dingh njiec nor, meih corc haih tov heuc nzipc linh daapc tengx nyaanh bun fu'jueiv ndaangc. Tov daaix luic doqc mangc **Nzangc-longz 3** yiem da'7 pin.
- Nzunc baav meih corc haih tov saengv zangc dingc baengh fim leiz bun muangx ga fonh, juix fienx dorngx, faekv a'fai online. Douc waac finx-hoc gorn 1-800-743-8525. A'fai, bieqc mangc yiem www.cdss.ca.gov/hearing-requests.
- Meih corc maaih ze'buonc leiz beu bun cai benx ga'hlen mienh mingh div meih yiem njiec saengv zangc dingc baengh fim leiz bun muangx. Meih corc cai dorth pong-yiou, cien-ceqv, dengv leiz mienh a'fai haaix laan mienh yaac duqv dungh meih cai bun wuov. Liouh hoqc hiuv yietv nyeic tipv gorngv hnangv haaix jiouh mienh ei doh leiz tengx nzie weih wuov, tov doqc mangc gorngv **hnangv haaix jiouh mienh tengx nzie weih** yiem da'5 pin.
- Meih maiv zuqc cuotv nyaanh cingv saengv zangc tengx dingc baengh fim leiz bun muangx oc. Ninh baeqc wang-henh bun.
- Haaix zanc zipv fu'jueiv nyei sou tov heuc saengv zangc tengx dingc baengh fim leiz tengx zoux dorng setv-mueix liuz ninh mbuo saengv zangc se maaih bouc dauh benx **90** hnoi tengx liuc leiz zoux sung. Se gorngv buatc meih nyei fu'jueiv ih zanc jiepv sih qiemx longc nziux goux zorc baengc siepv aengx caux gorngv tor bouc dauh zuov 90 hnoi haih zoux bun baengc kouv nor, meih se haih tov heuc **gaanv jiepv sih dingc bun-paaiv waac** (siepv). Doqc mangc **Nzangc-longz 4** yiem da'6 yienc sou.
- Liouh jiouh mienh tengx nzie, doqc mangc yiem tih mengh fienx sou dungh meih nyei fu'jueiv nyei gunv goux mangc wangc siangx sou-gorn wuov. A'fai, korh waac lorx 1-800-743-8525. A'fai, bieqc mangc yiem www.dhcs.ca.gov/fair-hearing.

Lorx taux Ombudsman

Naaiv norm **Ombudsman** nyei liuc leiz mienh dungh tengx zoux gong bun DHCS (the State Medi-Cal agency). Ninh mbuo nyei gong se tengx nzie meih aengx caux tengx dorth meih nyei fu'jueiv bieqc yiem gunv goux beu heng-wangc sou-gorn. Ninh mbuo zuov muangx meih gorngv nyei waac aengx caux tengx dau waac wuih bun meih muangx naaic daaih wuov. Ninh mbuo a'zuqc tengx zaah luic mangc taux sic dauh jauv-louc, porv mengh bun hiuv taux tengx nyaanh nyei gong, aengx caux lorz jauv-louc bun meih ginv longc. Meih mborqv finx lorz taix naaiv norm Ombudsman haaix zanc yaac duqv oc. Naaiv lemh nzoih haaix zangc tih mengh fienx bun fu'jueiv hiuv, zoux sou fungx bieqc lorz weic faan sic, tov taux saengv zangc tengx corngh leiz bun muangx, a'fai fungx sou bieqc gaux taux ninh mbuo. Naaiv norm Ombudsman se tengx taux mienh maanh dungh maaih mbuoz bieqc yiem gunv goux heng-wangc nyei sou-gorn mienh hnangv oc.

Meih corc haih lorx taux Ombudsman yangh:

- Fonh: 1-888-452-8609
- Email: MMCDombudsmanOffice@dhcs.ca.gov
 - » » Mv dungx dorch ga'ganh si'jeiv wangc siangx waa-fienx hietv yiem email.

Liouh hoqc hiuv yietc nyeic tipv gorngv taux Ombudsman, bieqc lorx yiem www.dhcs.ca.gov/ombudsman.

Oix zuqc fungc zoux beiv taux meih mv horpc hnyouv taux ninh mbuo gunv goux mangc wangc siangx sou-gorn nyei goux baengc gong-mienh, ziux goux mangc meih nyei fu'jueiv jau-louc a'fai ndie-sai?

Juix sou bieqc gox sic

Se gorngv naav laanh ndie-sai mv longc hnyouv ziux goux zorc meih nyei fu'jueiv a'fai zoux cunv gorngv waac-mun, a'fai meih maiv buangv hnyouv taux ninh nzie weih ziux goux zorc baengc gong, a'fai maiv haih lorx mv duqv ndie-sai tengx zorc baengc, meih zoux sou juix **gox sic** bouc bun fu'jueiv. Gox sic se benx dungh meih maaih dorngx mv nyunc taux haaix nyungc jauv-louc yiem lorx weic faan sic a'fai saengv zangc dingc baengh fim leiz bun muangx mv nzoih wuov. Ninh se benx nyinh nyiouz waac a'fai corc guaaz hnyouv gorngv zoux haaix nyungc mv ngaengc nzuih, zorv ngaih, zanv tuiz zoqc njiec, a'fai dingh njiec ziux goux bun fu'jueiv nyei gong.

- Meih corc haih zoux sou juix bieqc gox sic bun fu'jueiv haaix zanc yaac duqv nyei oc. Meih corc haih gox sic gorngv yangh fonh, a'fai fiev njiec online a'fai yangh juix fienx jauv. Liouh juix sou bieqc gox sic, meih corc haih lorx fu'jueiv nyei gunv goux mangc wangc siangx sou-gorn. Liouh longc nam mber lorx doic, doqc mangc **Nzangc-hlaangz 1** yiem da'11 pin. Meih corc haih zoux sou fungx bieqc gox sic gorngv taux ninh mbuo gunv goux heng-wangc nyei sou-gorn tengx zoux gong ziux beu fu'jueiv nyei sou-gorn, lemh jienv longc hnyiouz zorc baengc ndongc haaix a'fai bieqc lorz zorc baengc nyei jau-louc.
- Fu'jueiv nyei gunv goux wangc siangx sou-gorn oix zuqc duqv laengz zipv haix meih nyei lorx weic faan sou yiem njiec **5** norm zoux gong hnoi yiem hnoi-nyieqc dungh ninh mbuo duqv zipv taux buoz funx daaih. Naaiv se oix zuqc bieqc nzoih mbuo, fonh nam mber, aengx caux naaic laanh mienh nyei deic zepv dungh yiem wangc siangx sou-gorn tengx jaa waac bun muangx gorngv fu'jueiv nyei gox sic jauv-louc aengx caux box mbuox sic taux haaix mi'aqc.
- Fu'jueiv nyei gunv goux mangc wangc siangx sou-gorn maaih ziangh hoc **30** norm zoux gong hnoi yiem meih juix gox sic sou bieqc liuz liouh ninh mbuo caeqv sung sic bun fu'jueiv.

Beiv taux meih oix naaic waac nor horpc zuqc lorx naaic haaix laanh mienh?

NZANGC-NJOH 1

Piu-beih gouv-mueic mangc gunv goux mangc wangc siangx gorn zangc jau-louc aengx caux waac-fienx lorx doic

Medi-Cal gunv goux mangc heng-wangc (MCMC)

Yietc zuangx fu'jueiv se duqv zipv tengx nzie weih ziux goux yiem njiec caux Medi-Cal gunv goux mangc wangc siangx sou-gorn:

- Qiempx ziux goux zorc beih sin baengc, beiv taux dimv baengc aengx caux nziepv nqaev baengc ndie
- Qiempx zuqc zorc corngh zingh baengc dungh mv zeiz longc lengc jeiv ndie-sai neqv zorc corngh zingh baengc, beiv taux zorqv ndie aengx caux zorc baengc
- Borqv jiu doic liouh tengx ziux goux zorc baengc

Se gorngv meih nyei fu'jueiv mv duqv zipv qiempx longc ziux goux zorc baengc jauv-louc, a'fai corc maaih dorngx guaaz hnyouv, korth waac lorx fu'jueiv nyei Medi-Cal gunv goux mangc wangc siangx sou-gorn. Wangc siangx sou-gorn nyei fonh nam mber se hietv nzoih yiem fu'jueiv nyei gunv goux mangc wangc siangx sou-gorn hmien-mueic ID fang-daan. Ninh corc maaih hietv yiem njiec gunv goux mangc wangc siangx sou-gorn nyei website. Meih corc haih lorx ninh mbuo nyei fonh nam mber yiem naav www.dhcs.ca.gov/mmchpd. A'fai, korth waac lorx 916-449-5000

Ndie-sai lengc jeiv tengx ziux goux zorc corngh zingh baengc (SMHS)

Maaih laanh baav fu'jueiv yaac qiempx zuqc longc lengc jeiv ndie-sai neqv zorc corngh zingh baengc, beiv taux ziux goux bun butv corngh zingh baengc hniev, horpc zuqc longclengc jeiv ndie-sai neqv zorc naav hoc corngh zingh baengc. Yiem njiec norm-norm nquenc se maaih corngh zingh heng-wangc sou-gorn nyei.

Se gorngv meih nyei fu'jueiv mv duqv zipv qiempx longc ziux goux zorc baengc jauv-louc, a'fai corc maaih dorngx mv doiz hnyouv, korth waac lorx fu'jueiv nyei corngh zingh heng-wangc sou-gorn yiem nquenc zangc. Lorx fonh nam mber yiem naav www.dhcs.ca.gov/CMHP.

Medi-Cal liuc leiz mbenc ndie fungx nyei jau-louc (DMC-ODS)

Haaix deix fu'jueiv qiempx zuqc tengx ziux goux zorc buov inv jauv-louc beiv taux buov yong-in a'fai hopv diuv baengc, lemh jienv ca'laangh cuotv za'eiz aengx caux zorc baengc yiem da'nyeic norm dorngx, beiv taux bueix zorc guangc yong-in a'fai yiem biauv zorc hopv diuv baengc, haaix zanc qiempx zuqc longc nyei ziangh hoc se haih liuc leiz mbenc bun zipv ndie gan Medi-Cal juix ndie jauv-louc. Yiem njiec norm-norm nquenc zangc s embenc duqv maaih DMC-ODS kou-gong a'fai yiem Medi-Cal ndie-weic. Liouh hoqc hiuv yietv nyeic tipv gorngv taux Medi-Cal ndie-weic, doqc mangc **Nzangc-hlaangz 2** yiem 15 wuov pin.

Se gorngv meih nyei fu'jueiv mv duqv zipv qiempx longc ziux goux zorc baengc jauv-louc, a'fai corc maaih dorngx mv doiz hnyouv, korth waac lorx fu'jueiv nyei DMC-ODS kou-gong. Lorx fonh nam mber yiem naav www.dhcs.ca.gov/sud-cal.

Gunv goux mangc nyaah (MC ziux goux nyaah)

Haaix deix fu'jueiv yiem njiec Los Angeles nquenc a'fai Sacramento nquenc duqv zipv tengx ziux goux mangc nyaah, naav se lemh jienv zaah dimv mangc nyaah aengx caux nzaauz nyaah yiem yietc hnyangx tengx nzaauz yi nzunc aengx caux ziux goux mangc ga'nyuoz nzuih, se yiem njiec gunv goux mangc nyaah nyei sou-gorn. Fu'jueiv yiem njiec da'nyeic norm nyei buonc nquenc se duqv zipv tengx ziux goux mangc nyaah yiem caux cuotv nyaanh ziux goux mangc nyaah (FFS ziux goux mangc nyaah). Liouh hoqc hiuv yietc nyeic tipv gorngv taux ziux goux mangc nyaah FFS wuov, doqc mangc **Nzangc-hlaangz 2** yiem da'15 wuov pin.

Se gorngv meih yiem njiec Los Angeles a'fai Sacramento aengx caux meih nyei fu'jueiv mv duqv zipv qiempx longc ziux goux naav deix jau-louc, a'fai corc maaih dorngx mv doiz hnyouv, korth waac lorx fu'jueiv nyei MC ziux goux mangc nyaah kou-gong. Hietv nzoih fonh nam mber yiem fu'jueiv nyei ziux goux mangc nyaah MC hmien-mueic ID fang-daan. Ninh corc maaih hietv yiem njiec fu'jueiv nyei MC sou-gorn website. A'fai, korth waac lorx 1-800-322-6384. Meih corc haih lorx mangc ninh mbuo wangc siangx sou-gorn nyei fonh nam mber yiem naav <https://bit.ly/DMC-Contact>.

Meih nyei fu'jueiv se maaih haaix nyungc ze'buonc leiz beu yiem Medi-Cal cuotv nyaanh liouh ziux gouz zorc baengc?

Yiem njiec ga'ndiev deix waac-fienx yiem da'12-15 pin wuov liouh longc yiem Medi-Cal cuotv nyaanh liouh ziux gouz zorc baengc (FFS). Maaih laanh baav fu'jueiv maaih mbuoziem Medi-Cal se duqv zipv tengx ziux gouz mangc yiem njiec FFS. FFS corc maaih norm mbuoziem heuc "guaih zong baan" Medi-Cal. Haaix deix fu'jueiv maaih mbuoziem bieqc FFS se duqv zipv ziux gouz mangc yiem njiec DHCS (benx saengv zangc Medi-Cal gong-gorn). Ninh mbuo gunv gouz wangc siangx sou-gorn se mv baaz laanv guen taux oc. FFS caux naaiv Medi-Cal FFS liouh ziux gouz zorc beih sin wangc siangx aengx caux gouz benx zoqc zanv souz mouc liouh ziux gouz zorc corngh zingh baengc dungh heuc "zorc corngh zingh baengc mv zeiz longc benx lengc jeiv ndie-sai neqv zorc naaiv hoc baengc," Medi-Cal ndie-weic liouh zorc guangc buov yong-in aengx caux hopv diuv baengc, FFS ziux gouz mangc nyaah, aengx caux Medi-Cal Rx nyei ndie. Liouh hoqc hiuv yietc nyeic tipv, doqc mangc **Nzangc-hlaangz 2** yiem da'15 wuov pin.

Se gorngv fu'jueiv maaih sic nyaauv yiem zipv ziux gouz a'fai nzipc ziux gouz dungh meih buatc horpc zuqc DHCS beu weih bun nzoih, tov daaix luic doqc mangc yiem ga'ndiev. Mv gunv gorngv fu'jueiv mv maaih mbuoziem njiec gunv gouz mangc wangc siangx sou-gorn yaac baac, beiv taux fu'jueiv benx corngh zingh baengc kouv qiemx zuqc longc ziux gouz zorc, ninh mbuo se duqv zipv ziux gouz tengx ziux gouz corngh zingh baengc longc benx lengc jeiv ndie-sai neqv zorc yiem corngh zingh heng-wangc sou-gorn. Liouh hoqc hiuv yietc nyeic tipv aengx caux zaah lorx gorngv mingh haaix jiouh menh tengx nzie yiem nquenc zangc corngh zingh heng-wangc sou-gorn, tov daaix luic doqc mangc **Nzangc-hlaangz 1** yiem da'11 pin.

Meih horpc zuqc oix hnangv haaix zoux beiv taux ziux gouz mangc fu'jueiv yiem FFS gong dungh zorv ngaih, ngaengc nzuih, zanv tuiz zoqc njiec, a'fai dingh njiec mi'aqc?

Tov saengv zangc dingc baengh fim leiz bun muangx gorngv taux Medi-Cal

Lorx **saengv zangc tengx dingc baengh fim leiz bun muangx** se benx bun ziangh hoc gorngv waac bun muangx yiem sic-dorngn ndaangc taux ninh mbuo dingc leiz zaamc nyei leiz-sai zaah mangc DHCS dingc nyei waac dungh meih mv nyunc duqv wuov. Naaiv se lemh jienv dungh ngaengc nzuih, zorv ngaih, zanv tuiz zoqc njiec, a'fai dingh njiec nyei buonc. Ninh dingc leiz zaamc nyei leiz-sai se zoux gong bun California domh gorn tengx nzie weih ziux gouz zuangx mienh yiem-laamz, mv zeiz bun DHCS.

NZANGC-LONGZ 5

Hnangv haaix tov heuc nzipc linh daapc tengx fu'loqc nyaanh yiem cuotv nyaanh liouh tengx ziux gouz zorc baengc



Se gorngv tih mengh fienx wuov gorngv mbuoziem nyei fu'jueiv ih zanc zipv longc nyei buonc ziux gouz jauv-louc wuov oix zuqc dingh njiec a'fai oix zuqc zanv tuiz zoqc njiec, meih corc haih zoix tov ninh mbuo **nzipc linh daapc tengx fu'loqc nyaanh** (maaih da'nyeic norm mbuoziem "tengx nzie zengc nyei buonc nyaanh") yiem njiec saengv zangc dingc leiz bun muangx nyei ziangh hoc.

- Meih oix zuqc tov saengv zangc dingc baengh fim leiz bun muangx **ndaangc** taux naaiv deix gong dingh njiec a'fai zanv tuiz zoqc njiec.
- DHCS oix zuqc jaa-nziouv fiev benx tih mengh fienx bun meih hiuv mv zoqc jiex **10** norm zoux gong hnoin ndaangc ninh mbuo mbenc dingh njiec a'fai zanv tuiz zoqc njiec jau-louc bun fu'jueiv.

- Haaix zanc meih nyei fu'jueiv duqv zipv tih mengh fienx yiem mbuox njiec buoz zoux nyei gong yiem caux DHCS bun daaih wuov, meih se haih tov saengv zangc dingc baengh fim leiz bun muangx duqv aqv. Se gorngv meih maiv duqv zipv naaiv zeiv tih mengh fienx mbuox njiec buoz zoux gong wuov meih se haih tov saengv zangc dingc baengh fim leiz bun muangx.
- Meih oix horpc zuqc tov saengv zangc dingc baengh fim leiz bun muangx yiem njiec **90** norm zoux gong hnoi yiem hnoi-nyieqc dungh meih duqv zipv DHCS tih mengh fienx mbuox njiec buoz zoux nyei gong. Ninh dingc leiz zaamc se benx ba'ndong-mienh longc baengh leiz zaah mangc fu'jueiv nyei sic dauh Se gorngv meih maiv duqv zipv naaiv zeiv tih mengh fienx mbuox njiec buoz zoux gong wuov haaix zanc yaac duqv meih cor haih tov saengv zangc dingc baengh fim leiz bun muangx. Se gorngv meih tov saengv zangc tengx dingc baengh fim leiz bun muangx wuov haih zoux zuqc ih zanc tengx ziux gouz zorc fu'jueiv duqv zipv nyei buonc ong dingh njiec nor, meih corc haih tov heuc nzipc linh daapc tengx fu'loqc nyaanh bun jienv fu'jueiv ndangc. Doqc mangc **Nzangc-longz 5** yiem naaiv yiemc sou.
- Nzunc baav meih corc haih tov saengv zangc dingc baengh fim leiz bun muangx ga fonh, juix fienx dorngx, faekv a'fai online. Korh waac lорx 1-800-743-8525. A'fai, bieqc mangc yiem www.cdss.ca.gov/hearing-requests.
- Meih maaih ze'buonc leiz beu bun cai benx ga'hlen mienh mingh dorng hmien muangx saengv zangc dingc leiz. Meih corc cai dorh pong-yiouv, cien-ceqv, dengv leiz mienh a'fai haaix laan mienh yaac duqv dungh meih cai bun wuov. Ei doh leiz lorx jiouh mienh tengx nzie weih, tov doqc mangc gorngv **hnangv haaix jiouh mienh tengx nzie weih** yiem da'5 pin.
- Meih maiv zuqc cuotv nyaanh cingv saengv zangc tengx dingc baengh fim leiz bun muangx oc. Ninh baeqc wang-henh bun.
- Haaix zanc zipv meih nyei fu'jueiv nyei sou tov heuc saengv zangc tengx dingc baengh fim leiz duqv dingc sung setv-mueix waac liuz ninh mbuo saengv zangc se maaih bouc dauh benx **90** hnoi tengx liuc leiz cing. Se gorngv buatc meih nyei fu'jueiv ih zanc jiepv sih qiemx longc nziux gouz zorc baengc jiepv aengx caux gorngv tor bouc dauh zuov 90 hnoi haih zoux bun baengc kouv nor, meih se haih tov heuc **gaanv jiepv sih dingc bun-paaiv waac** (siepv). Doqc mangc **Nzangc-longz 6** yiem naaiv yiemc sou.
- Liouh lorx jiouh mienh tengx nzie tipv, tov daaix luic doqc mangc yiem tih mengh fienx dungh DHCS bun daaih wuov. A'fai, korh waac lорx 1-800-743-8525. A'fai, bieqc mangc yiem www.dhcs.ca.gov/fair-hearing.

BOX 6

**Jiepv sih gaanv siepv
(siepv deix) lorx weic
faan sic a'fai saengv
zangc dingc baengh fim leiz
bun muangx**



Se gorngv fu'jueiv qiemx zuqc longc **gaanv jiepv sih** (siepv) tov saengv zangc dingc baengh fim leiz bun muangx siepv wueic laaix gorngv zorv ngaih nor haih benx ciouv sic hoic fu'jueiv maengc, hoic sin zangc, a'fai fu'jueiv sin peih haih wuaaic, tov daaix luic korh waac lорx 1-800-743-8525.

Oix zuqc fungc zoux laeqh beiv taux meih mv horpc hnyouv taux gou baengc gong-mienh ziux goux mangc meih nyei fu'jueiv, ndie-sai a'fai gou baengc ndie-sai yiem FFS?

Juix sou bieqc gox sic

Se gorngv naav laanh ndie-sai mv longc hnyouv ziux goux zorc meih nyei fu'jueiv a'fai zoux cunv gorngv waac-mun, a'fai meih maiv buangv hnyouv taux ninh nzie weih ziux goux zorc baengc nyei gong, a'fai maiv haih lorx mv duqv ndie-sai tengx zorc baengc, nzunc baav meih corc haih juix sou bieqc **gox sic** bouc bun fu'jueiv. Naav gox sic sou se liouh benx maaih haaix nyungc jau-louc mv doiz-dongh doic saengv zangc dingc baengh fim leiz bun muangx mv duqv beu nzoih wuov. Ninh se benx nyinh nyiouz waac a'fai corc guaaz hnyouv gorngv zoux haaix nyungc mv ngaengc nzuih, zorv ngaih, zanv tuiz zoqc njiec, a'fai dingh njiec ziux goux bun fu'jueiv nyei gong.

- Nzunc baav meih corc haih juix sou bieqc gox sic bouc bun fu'jueiv liouh yiem Medi-Cal ndie-weic, ziux goux zorc nyaah FFS, a'fai Medi-Cal Rx yiem haaix zanc yaac duqv oc. Meih corc haih gox sic gorngv yangh fonh, a'fai fiev njiec online a'fai yangh juix fiex jauv. Liouh gorngv oix juix sou bieqc gox sic, tov daaix liuc lorx Medi-Cal ndie-weic, ziux goux zorc nyaah FFS, a'fai Medi-Cal Rx. Liouh longc nam mber lorx doic, doqc mangc **Nzangc-hlaangz 2** yiem da'15 pin. Yiem njiec Medi-Cal FFS tengx ziux goux zorc beih sin baengc aengx caux longc benx lengc jeiv ndie-sai neqv zorc corng hzingh baengc nyei gong se **maiv** maaih gox sic jau-louc bun oc.
- DHCS oix zuqc duqv laengz zipv haix meih nyei lorx weic faan sou yiem njiec **5** norm zoux gong hnoi yiem hnoi-nyieqc dungh ninh mbuo duqv zipv taux buoz. Oix zuqc bieqc nzoih mbuoz, fonh nam mber, aengx caux naaic laanh mienh nyei deic zepv dungh yiem DHCS tengx mbuox waac tipv gorngv taux fu'jueiv gox sic jau-louc aengx caux sic taux haaix mi'aqc.
- DHCS maaih ziangh hoc **30** norm zoux gong hnoi yiem meih juix gox sic sou bieqc liouh tengx liuc leiz caeqv nzaanz sic yiem fu'jueiv nyei gox sic sou yiem caux FFS ziux goux zorc nyaah aengx caux Medi-Cal Rx wuov. Medi-Cal ndie-weic maaih **90** norm zoux gong hnoi liouh liuc leiz caeqv nzaanz fu'jueiv nyei gox sic jau-louc.

Beiv taux meih oix naaic waac nor horpc zuqc lorx naaic haaix laanh mienh?

NZANGC-HLAANGZ 2

Cuotv nyaanh liouh domh nzie weih ziux goux aengx caux waa-fienx lorx doic

Medi-Cal cuotv nyaanh liouh tengx nzie weih ziux goux (Medi-Cal FFS)

Maaih laanh baav fu'jueiv, beiv taux maaih laanh baav fu'jueiv yiem njiec goux fu'jueiv dorngx duqv zipv tengx nzie weih ziux goux beih sin baengc yiem caux Medi-Cal FFS.

Se gorngv mv zeiz meih fu'jueiv duqv zipv naaiv deix nzie weih ziux goux nyei jauv-louc a'fai corc maaih dorngx guaaz hnyouv, kohr waac lorx 1-800-541-5555 (TDD 1-800-430-7077).

Medi-Cal (DMC) ndie

Haaix deix fu'jueiv dungh qiemx zuqc tengx ziux goux zorc buov inv jauv-louc beiv taux buov yong-in a'fai hopv diuv baengc, lemh jienv ca'laangh cuotv za'eiz aengx caux zorc baengc yiem da'nyeic norm dorngx, beiv taux bueix zorc guangc yong-in a'fai yiem biauv zorc hopv diuv baengc, haaix zanc qiemx zuqc longc naaiv diex ziux goux gong yiem njiec Medi-Cal juix ndie jauv-louc. Yiem njiec norm-norm nquenc se maaih DMC-ODS kou-gong daan a'fai yiem DMC nyei. Liouh hoqc hiuv yietc nyeic tipv gorngv taux DMC-ODS, doqc mangc **Nzangc-hlaangz (Table) 1** yiem da'11 pin.

Se gorngv mv zeiz meih fu'jueiv duqv zipv naaiv deix nzie weih ziux goux nyei jauv-louc a'fai corc maaih dorngx guaaz hnyouv, kohr waac lorx fu'jueiv nyei DMC kou-gong gorn. Liouh lorx fonh nam mber, bieqc mangc yiem www.dhcs.ca.gov/sud-cal.

Cuotv nyaanh liouh tengx ziux goux zorc nyaah (FFS ziux goux zorc nyaah)

Yietc zuangx fu'jueiv duqv zipv Medi-Cal tengx ziux goux zorc nyaah yiem njiec FFS ziux goux zorc nyaah jauv-louc. Naaiv se lemh nzoih hnyang-dongh tengx zaah dimv mangc nyaah aengx caux yietc hnyangx nzaauz nyaah yi baan aengx caux ziux goux mangc ga'nyuozi nzuih.

Se gorngv mv zeiz meih fu'jueiv duqv zipv naaiv deix nzie weih ziux goux nyei jauv-louc a'fai corc maaih dorngx guaaz hnyouv nor, kohr waac lorx 1-800-322-6384. Liouh bieqc lorx hoqc yietc nyeic waac-fienx, bieqc lorx smilecalifornia.org.

Medi-Cal Rx

Fu'jueiv duqv zipv nzie weih ziux goux Medi-Cal ndie yiem njiec Medi-Cal Rx ndie-pouz. Naaiv se lemh jienv ndie dungh bueix yiem zorc baengc dorngx ndie-sai paaiv bun nyanc nyei buonc aengx caux ndie guaih maaiz yiem hei-horngc ndie-pouz nyei buonc, jaa-dorngx ziux goux zorc baengc beiv taux benx yaang-jaangh liouh nzuiz wuix lai hnaangx, aengx caux zorc baengc jaa-sic.

Se gorngv mv zeiz meih fu'jueiv duqv zipv naaiv deix nzie weih ziux goux nyei jauv-louc a'fai corc maaih dorngx guaaz hnyouv nor, kohr waac lorx 1-800-977-2273. Hoqc hiuv tipv yiem naaiv <https://bit.ly/3D1rQFV>.